

Kirchliches Verordnungs-Blatt

für die

Savanter Diözese.

Inhalt: I. Litterae PP. Leonis XIII. de extraordinario Jubilaeo. II. Pastoral-Conferenz-Fragen pro 1886. III. Theologische Fragen pro 1886. IV. Pfarrconcurs-Prüfungen im Jahre 1886. V. Abholung der hl. Oele am Gründonnerstage. VI. Anzeige des Directorien- und Schematismen-Bedarfes und Vorlagen der Seelenstands-Ausweise pro 1887. VII. Ministerial-Berordnung betreffend den Betrag der für die Matrikenführung zu passirenden Kanzleiauslagen. VIII. Empfehlung des Salzburger Kirchenblattes. IX. Diözesan-Nachrichten.

I.

VENERABILIBVS FRATRIBVS
PATRIARCHIS PRIMATIBVS ARCHIEPISCOPIS ET EPISCOPIS
ALIISQVE LOCORVM ORDINARIIS
GRATIAM ET COMMVNIONEM
CVM APOSTOLICA SEDE HABENTIBVS.

LEO PP. XIII.

VENERABILES FRATRES
SALVTEM ET APOSTOLICAM BENEDICTIONEM.

Quod auctoritate Apostolica semel iam atque iterum decrevimus, ut annus sacer toto orbe christianò extra ordinem ageretur, oblati bono publico caelestium munerum thesauris quorum est in Nostra potestate dispensatio, idem placet in annum proximum, Deo favente, decernere. — Cuius utilitas rei fugere vos. Venerabiles Fratres, nequaquam potest gnaros temporum ac morum: sed quaedam singularis ratio facit, ut in hoc consilio Nostro maior, quam fortasse alias, inesse opportunitas videatur. — Nimirum cum de civitatibus superiore epistola Encyclica docuerimus, quanti intersit, eas ad veritatem formamque christianam propius accedere, intelligi iam licet quam sit huic ipsi proposito Nostro consentaneum dare operam, quibuscumque rebus possumus, ut vel excitentur homines ad christianas virtutes, vel revocentur. Talis est enim civitas, qualis populorum fingitur moribus: et quemadmodum aut navigii aut aedium bonitas ex singularum pendet bonitate aptaque suis locis collocatione partium, eodem fere modo rerum cursus publicarum rectus et sine offensione esse non potest, nisi rectam vitae cives consequantur viam. Ipsa disciplina civilis, et ea omnia, quibus vitae publicae constat actio, nonnisi auctoribus hominibus nascuntur, intereunt: homines autem suarum solent opinionum morumque expressam imaginem iis rebus affingere. Quo igitur eis praeceptis Nostris et imbuantur penitus animi, et, quod caput est, quotidiana vita singulorum regatur, enitendum est ut singuli inducant animum christiane sapere, christiane agere non minus publice quam privatim.

Atque in ea re tanto maior est adhibenda contentio, quanto plura impendent undique pericula. Non enim exiguum partem magne illae patrum nostrorum virtutes cessere: cupiditates, quae per se vim habent maximam, maiorem licentia quaesiverunt: opinionum in-

sancta, nullis aut parum aptis compressa frenis, manat quotidie longius: ex iis ipsis, qui recte sentiant, plures praepostero quodam pudore deterriti non audent id quod sentiunt libere profiteri, multoque minus reipsa perficere: deterrimorum vis exemplorum in mores populares passim influit: societates hominum non honestae, quae a Nobismetipsis alias designatae sunt, flagitiosarum artium scientissimae, populo imponere, et quotquot possunt, a Deo, a sanctitate officiorum, a fide christiana abstrahere atque abalienare contendunt.

Tot igitur prementibus malis, quae vel ipsa diuturnitas maiora facit, nullus est Nobis praetermittendus locus, qui spem sublevationis aliquam afferat. Hoc consilio et hac spe sacrum Iubilaeum indicturi sumus, monendis cohortandisque quotquot sua est cordi salus, ut colligant paullisper sese, et demersas in terram cogitationes ad meliora traducant. Quod non privatis solum, sed toti futurum est reipublicae salutare, propterea quod quantum singuli profecerint in animi perfectione sui, tantundem honestatis ac virtutis ad vitam moresque publicos accedet.

Sed optatum rei exitum videtis, Venerabiles Fratres, in opera et diligentia vestra magnam partem esse positum, cum apte studioseque populum praeparare necesse sit ad fructus, qui propositi sunt, rite percipiendos. — Erit igitur caritatis sapientiaeque vestrae lectis sacerdotibus id negotium dare, ut piis concionibus ad vulgi captum accomodatis multitudinem erudiant, maximeque ad poenitentiam cohortentur, quae est, auctore Augustino, *bonorum et humilium fidelium poena quotidiana, in qua pectora tundimus, dicentes: dimite nobis debita nostra.*¹⁾ Poenitentiam, quaeque pars eius est, voluntariam corporis castigationem non sine causa primo commemoramus loco. Nostis enim morem saeculi: libet plerisque delicate vivere, viriliter animoque magno nihil agere. Qui cum in alias incidunt miseras multas, tum fingunt saepe causas, ne salutaribus Ecclesiae legibus obtemperent, onus rati sibi gravius, quam tolerari possit, impositum, quod vel abstinere certo ciborum genere, vel ieiunium servare paucis anni diebus iubeantur. Hac enervati consuetudine, mirum non est si sensim totos se cupiditatibus dedant maiora poscentibus. Itaque lapsos aut proclives ad mollitiam animos consentaneum est ad temperantiam revocare: proptereaque, qui ad populum dicturi sunt, diligenter et enucleate doceant, quod non modo Evangelica lege, sed etiam naturali ratione praecipitur, imperare sibimetipsi et domitas habere cupiditates unumquemque oportere: nec expiari, nisi poenitendo, posse delicta. — Et huic, de qua loquimur, virtuti, ut diuturna permaneat, non inepte consultum fuerit, si rei stabiliter institutae quasi in fidem tutelamque tradatur. Quo id pertineat, facile, Venerabiles Fratres, intelligitis: illuc scilicet, ut sodalium Franciscalum ordinem Tertium, quem *saecularem* nominant, in Dioecesi quisque vestra tueri et amplificare perseveritis. Profecto ad conservandum alendumque poenitentiae in christiana multitudine spiritum, plurimum omnino valitura sunt exempla et gratia *Francisci Assisiensis* patris, qui cum summa innocentia vitae tantum coniunxit studium castigandi sui, ut Iesu Christi crucifixi imaginem non minus vita et moribus, quam impressis divinitus signis retulisse videatur. Leges eius Ordinis, quas opportune temperavimus, longe sunt ad perferendum leves: momentum ad christianam virtutem habent non leve.

Deinde vero in his privatis publicisque tantis necessitatibus, cum tota spes salutis utique in patrocinio tutelaque Patris caelestis consistat, magnopere vellemus studium precandi constans et cum fiducia coniunctum reviviscere. — In omni magno christianae reipublicae tempore, quoties Ecclesiae usovenit, ut vel externis periculis, vel intestinis premeretur incommodis, praeclare maiores nostri, sublatis in caelum suppliciter oculis, docuerunt, qua ratione et unde lumen animi, unde vim virtutis et apta temporibus adiumenta petere oportet. Inhaerebant enim penitus in mentibus illa Iesu Christi praecepta, *petite et dabitur vobis;*²⁾

¹⁾ Epist. 108.

²⁾ Math. VII, 7.

oportet semper orare et non deficere. ¹⁾ Quibus resonat Apostolorum vox: *sine intermissione orate:* ²⁾ *obsecro igitur primum omnium fieri obsecrationes, orationes, postulationes, gratiarum actiones pro omnibus hominibus.* ³⁾ Quam ad rem non minus acute quam vere illud Ioannes Chrysostomus scriptum per similitudinem reliquit: quo modo homini, cum nudus idemque egens rebus omnibus suscipiatur in lucem, manus natura dedit, quarum ope res ad vitam necessarias sibi compararet: ita in iis, quae sunt supra naturam, cum nihil per se ipse possit, largitus est Deus orandi facultatem, qua ille sapienter usus, omnia quae ad salutem requiruntur, facile impetraret. — His ex rebus singuli statuite, Venerabiles Fratres, quam sit gratum et probatum Nobis studium vestrum in provehenda sacratissimi *Rosarii* religione his praesertim proximis annis Nobis auctoribus positum. Neque est silentio praetereunda pietas popularis, quae omnibus fere locis videtur in eo genere excitata: ea tamen ut magis inflammetur ac perseveranter retineatur, summa cura videndum est. Idque si insistimus hortari, quod non semel idem hortati sumus, nemo mirabitur vestrum, quippe qui intelligitis, quanti referat. *Rosarii Marialis* apud christianos florere consuetudinem, optimeque nostis, eam esse huius ipsius spiritus precum, de quo loquimur, partem et formam quamdam pulcherrimam, eandemque convenientem temporibus, usu facilem, utilitate uberrimam.

Quoniam vero Iubilaei prior et maximus fructus, id quod supra indicavimus, emendatio vitae et virtutis accessio esse debet, necessariam nominatim censemus eius fugam mali, quod ipsis superioribus litteris Encyclicis designare non praetermisimus. — Intestina intelligimus ac prope domestica nonnullorum ex nostris dissidia, quae caritatis vinculum, vix dici potest quanta cum pernicie animorum, solvunt aut certe relaxant. Quam rem ideo rursum commemoravimus hoc loco apud vos, Venerabiles Fratres, ecclesiasticae disciplinae mutuaeque caritatis custodes, quia ad prohibendum tam grave incommodum volumus vigilantiam auctoritatemque vestram perpetuo esse conversam. Monendo, hortando, increpando date operam, ut omnes *solliciti sint servare unitatem spiritus in vinculo pacis*, utque redeant ad officium, si qui sunt dissidiorum auctores, illud in omni vita cogitantes, Unigenitum Dei Filium in ipsa supremorum appropinquatione cruciatuum nihil a Patre contendisse vehementius, quam ut inter se diligerent, qui crederent aut credituri essent in eum, *ut omnes unum sint, sicut tu, Pater, in me, et ego in te, ut et ipsi in nobis unum sint.* ⁴⁾

Itaque de omnipotentis Dei misericordia, ac beatorum Apostolorum Petri et Pauli auctoritate confisi, ex illa ligandi atque solvendi potestate, quam Nobis Dominus licet indignis contulit, universis et singulis utriusque sexus Christi fidelibus plenissimam peccatorum omnium indulgentiam, ad generalis Iubilaei modum, concedimus ea tamen conditione et lege, ut intra spatium anni proximi MDCCCLXXXVI haec, quae infra scripta sunt, effecerint.

Quotquot Romae sunt cives hospitesve Basilicam Lateranensem, item Vaticanam et Liberianam bis adeant: ibique aliquandiu pro Ecclesiae catholicae et huius Apostolicae Sedis prosperitate et exaltatione, pro extirpatione haeresum omniumque errantium conversione, pro christianorum Principum concordia ac totius fidelis populi pace et unitate, secundum mentem Nostram pias ad Deum preces effundant. Idem duos dies esurialibus tantum cibis utentes ieiunent, praeter dies in quadragesimali indulto non comprehensos, aut alias simili stricti iuris ieiunio ex praecepto Ecclesiae consecratos: praeterea peccata sua rite confessi sanctissimum Eucharistiae sacramentum suscipiant, stipemque aliquam pro sua quisque facultate, adhibito in consilium Confessario, in aliquod pium conferant opus, quod ad propagationem et incrementum fidei catholicae pertineat. Integrum unicuique sit, quod malit, optare:

¹⁾ Luc. XVIII, 1.

²⁾ I Thessal. V, 17.

³⁾ I Timoth. II, 1.

⁴⁾ Io. XVII, 21.

duo tamen designanda nominatim putamus, in quibus erit optime collocata beneficentia, utrumque, multis locis, indigens opis et tutelae, utrumque civitati non minus quam Ecclesiae fructuosum: nimirum *privatas puerorum scholas, et Seminaria Clericorum.*

Ceteri vero omnes extra Urbem ubicumque degentes tria templa, a vobis, Venerabiles Fratres, aut a vestris Vicariis seu Officialibus. aut de vestro eorumve mandato ab iis qui curam animarum exercent designanda, *bis*, vel, duo tantum si templa fuerint, *ter*, vel, si unum, *sexies*, dicto temporis intervallo adeant: item alia opera omnia, quae supra commemorata sunt, peragant. Quam indulgentiam etiam animabus, quae Deo in caritate coniunctae ex hac vita migraverint, per modum suffragii applicari posse volumus. Vobis praeterea potestatem facimus, ut Capitulis et Congregationibus tam saecularium quam regularium, sodalitatibus, confraternitatibus, universitatibus, collegiis quibuscumque memoratas Ecclesias processionaliter visitantibus, easdem visitationes ad minorem numerum pro vestro prudenti arbitrio reducere possitis.

Concedimus vero ut navigantes et iter agentes, ubi ad sua dimicilia, vel alio ad certam stationem sese receperint, visitato *sexies* templo maximo seu parochiali, ceterisque operibus, quae supra praescripta sunt, rite peractis, eandem indulgentiam consequi queant. — Regularibus vero personis utriusque sexus, etiam in claustris perpetuo degentibus, nec non aliis quibuscumque tam laicis, quam ecclesiasticis, qui carcere, infirmitate corporis, aut alia qualibet iusta causa impediuntur, quominus memorata opera, vel eorum aliqua praestent, concedimus, ut ea Confessarius in alia pietatis opera commutare possit, facta etiam potestate dispensandi super Communionem cum pueris nondum ad primam Communionem admissis. Insuper universis et singulis Christi fidelibus, tam laicis quam ecclesiasticis, saecularibus ac regularibus cuiusvis Ordinis et Instituti, etiam specialiter nominandi, facultatem concedimus, ut sibi ad hunc effectum eligere possint quemcumque presbyterum Confessarium tam saecularem quam regularem ex actu approbatis: qua facultate uti possint etiam Moniales, Novitiae, aliaeque mulieres intra claustra degentes, dummodo Confessarius approbatus sit pro monialibus. — Confessariis autem, hac occasione et durante huius Iubilaei tempore tantum, omnes illas ipsas facultates largimur, quas largiti sumus per litteras Nostras Apostolicas *Pontifices maximi* datas die XV mensis Februarii anno MDCCCLXXIX, iis tamen omnibus exceptis, quae in eisdem litteris excepta sunt.

Ceterum summa cura studeant universi magnam Dei parentem praecipuo per id tempus obsequio cultuque demereri. Nam in patrocinio sanctissimae Virginis a *Rosario* sacrum hoc Iubilaeum esse volumus: ipsaque adiutrice confidimus, non paucos futuros, quorum animus deteresa admissorum labe expietur, fideque pietate, iustitia non modo in spem salutis sempiternae, sed etiam in auspiciis pacatioris aevi renovetur.

Quorum beneficiorum caelestium auspicem paternaeque Nostrae benevolentiae testem vobis, et Clero populoque universo vestrae fidei vigilantiaeque commisso apostolicam Benedictionem peramanter in Domino impertimus.

Datum Romae apud S. Petrum die XXII. Decembris anno MDCCCLXXXV. Pontificatus Nostri Octavo.

LEO PP. XIII.

II.

Pastoral-Conferenz-Fragen pro 1886.

I.

Auch in unserer Avaranter-Diöcese wurde bei dem herrschenden Priester-mangel, oder unter Angabe eines speciellen Grundes, hie und da schon vom Seelsorger an das sb. Ordinariat die Bitte gestellt, biniren zu dürfen.

Was gelten diesbezüglich für kirchliche Vorschriften?

Wann nur wäre das s. g. Biniren zulässig und welches Verfahren hätte der mit Erlaubniß binirende Priester dabei einzuhalten?

II.

Was versteht man unter dem s. g. vierzigstündigen Gebete?

Ist dasselbe in allen Pfarren unserer Diöcese üblich?

Wann und wie pflegt dasselbe abgehalten zu werden.

Was schreiben diesfalls die allgemein geltenden kirchlichen Bestimmungen vor?

III.

Quaestiones theologicae pro anno 1886.

1.

Quid definivit Concilium Vaticanum circa infallibilitatem Romani Pontificis?

Quaenam obijci solent adversus hoc dogma?

Diluantur et refutantur hae objectiones.

2.

Quid sunt s. d. Rubricae tum s. Missae tum Breviarium spectantes?

Quare obligant in conscientia?

Quando contra has rubricas graviter, quando leviter peccatur?

3.

Predigt.

Ueber Matth. C. 13. V. 25. „Als die Leute schliefen, kam der Feind und säete Unkraut mitten unter den Weizen und ging davon.“

Erster Theil.

Der Schlaf von welchem der Heiland spricht, ist in unserer Zeit vorzüglich die Gleichgiltigkeit und Lauheit so vieler Christen in religiöser Beziehung. — Ursachen, Sündhaftigkeit und Verwerflichkeit des s. g. Religions-Indifferentismus.

Zweiter Theil.

Der Feinde des Heilandes, welcher nur guten Weizen (was für einen?) auf dem Acker seiner Kirche säete, gibt es gar Manche. Es seien hier nur Zwei erwähnt: Die religions- und kirchenfeindliche Presse mit ihren giftigen Erzeugnissen und die Religions-Spötter. — Wie hat sich der Katholik dawider zu benehmen?

Schluß.

Anmerkung: Die Predigt kann in deutscher oder slovenischer Sprache abgefaßt sein. Der zweite Theil ist vollständig auszuarbeiten. Der Eingang, der erste Theil und der Schluß sind nur zu skizziren.

Das Uebrige so, wie alljährlich.

IV.

Pfarrconcurs-Prüfungen.

Dieselben werden auch im laufenden Jahre 1886 in der f. b. Residenz zu Marburg abgehalten werden und zwar: eine am 4., 5. und 6. Mai; die andere aber am 31. August, 1. und 2. September.

Die Gesuche um Zulassung zur Concurssprüfung sind durch das f. b. Dekanatsamt wenigstens 14 Tage vor der Prüfung an das f. b. Ordinariat vorzulegen.

V.

Die Abholung der hl. Oele

hat, wie üblich, am Gründonnerstage in der f. b. Ordinariats-Kanzlei zu geschehen. Die Oelgefäße sind vorher sorgfältig zu reinigen.

VI.

Der Bedarf an Directorien und Schematismen pro 1887

ist unter gleichzeitiger Vorlage der Ausweise über die Seelenzahl der unterstehenden Seelsorgestationen von den f. b. Dekanatsämtern bis Ende Juli anher anzuzeigen.

VII.

Verordnung des Ministers für Cultus und Unterricht und des Finanzministers vom 8. December 1885,

womit der Betrag der nach dem Gesetze vom 19. April 1885 (R.-G.-Bl. Nr. 47) in den Einkommensverzeichnissen der Seelsorger zu passirenden Kanzleiauslagen für die Matrikenführung festgesetzt wird.

In theilweiser Ergänzung des §. 3, II, lit. b, der Durchführungsverordnung vom 2. Juli 1885 (R.-G.-Bl. Nr. 99) zu dem Gesetze vom 19. April 1885 (R.-G.-Bl. Nr. 47), betreffend die provisorische Aufbesserung der Dotation der katholischen Seelsorgegeistlichkeit, wird Folgendes festgesetzt:

Als Kanzlei-Auslagen für die Matrikenführung, dort, wo dieselben nicht aus dem Kirchenvermögen bestritten werden, sind in den Einkommensverzeichnissen über das Localeinkommen der Seelsorgegeistlichkeit im Sinne des §. 3, Punkt 2, b des Gesetzes vom 19. April 1885 (R.-G.-Bl. Nr. 47) nach der Anzahl der Parochianen, und zwar bis zu 1000 Seelen für je 100 Seelen 50 fr. ö. W., bei mehr als 1000 Seelen für die ersten 1000 Seelen 5 Gulden ö. W., für je 500 Seelen über diese Anzahl 1 fl. 50 fr., jedoch nur bis zum Höchstbetrage von 100 fl. ö. W. einzustellen, wobei eine Theilzahl unter 100, beziehungsweise 500 Seelen, nicht in Anschlag zu bringen ist.

VIII.

Das „Salzburger Kirchenblatt“

wird über Ansuchen dem Wohllehrwürdigen Diöcesan-Clerus wieder anempfohlen. Dasselbe hat sich bereits durch eine lange Reihe von Jahren durch seine gut katholische Haltung, sowie durch belehrende und geschichtlich interessante Correspondenzartikel bewährt.

IX.

Diöcesan-Nachrichten.

Als Provisoren wurden bestellt die Herren: Ferd. Šostarič in Luttenberg, und Lorenz Kramberger in Trisail.

Uebersetzt wurden die Herren Kapläne: Franz Korošec nach St. Veit bei Montpreis, Josef Kostanjevec nach Witschein und Valentin Mikuš nach Gili.

In Quiescenz ist getreten Pr. Herr Andreas Zdolšek.

Gestorben sind: Titl. Herr Franz Šrol, f. b. geistl. Rath, Pfarrer in Luttenberg, am 31. Dezember v. J. alt 56 Jahre; Titl. Herr Mathias Stagoj, f. b. geistl. Rath, Pfarrer in Trisail, am 19. Jänner d. J. im 69. Lebensjahre, und Herr Johann Kinčič, pensionirter Pfarrer von Lainach, am 23. Jänner d. J. im 73. Lebensjahre.

Unbesetzt sind geblieben die Kaplansstellen: in Luttenberg 1, in Trisail 1, in St. Peter bei Marburg 1, in St. Ruprecht bei Tüßler und zu Maria Schnee in Bölling.

F. B. Saverter Ordinariat zu Marburg

am 13. Februar 1886.

Jakob Maximilian,

Fürstbischof.

Die Kaiserliche Bibliothek

N. W. 1

Die Kaiserliche Bibliothek

N. W. 1

Die Kaiserliche Bibliothek

am 1. Januar 1888

Die Kaiserliche Bibliothek

am 1. Januar 1888